

84
13. júní

Kistufell	0.7	hlutir
Arnbórsholt	0.7	—
Kross	0.4	—
Skarð	5	—
Lundur	6	—
Snartastaðir	1	—
Gullberastaðir	5.4	—
Oddsstaðir	0.4	—
Hóll	0.8	—
Brautartunga	0.8	—
Tungufell	0.2	—
Brenna	0.7	—
Iðunnarstaðir	0.7	—
England	1	—
Reykir	1	—
Hvítárvellir	46	—
Hvanneyri	30	—
Samtals 590		hlutir

Arðskrá þessi staðfestist hér með til þess að öðlast gildi þegar í stað.

Atvinnu- og samgöngumálaráðuneytið, 13. júní 1942.

F. h. r.

Vigfús Einarsson.

Páll Pálmason.

85
14. júní

REGLUGERÐ

fyrir vatnsveitu Borgarneshrepps, Mýrasýslu.

1. gr.

Hreppsnefnd Borgarneshrepps hefur yfirumsjón með vatnsveitukerfi hreppsins, en heimilt skal henni að ráða sérstakan umsjónarmann, vatnsveitustjóra, er hafi eftirlit með vatnsveitukerfinu samkvæmt erindisbréfi, er hreppsnefnd setur honum.

2. gr.

Af öllum húsum í hreppnum, sem vatni er veitt í eða úr næst til vatnsæða í götu, vegi eða opnu svæði, skal greiða vatnsskatt. Skatturinn skal lagður á eftir hinu lögskipaða fasteignamati húsanna, að undanskildu virðingarverði lóðanna. Skattinn skal einnig greiða af virðingarverði fastra véla, sem í húsinu eru, ef þær eru váttryggðar ásamt því.

3. gr.

Vatnsskatturinn skal vera sem hér segir:

1. Af öllum húsum, sem svo er ástatt um, sem um getur í 2. grein, allt að 10 af þúsundi.
2. Fyrir vatn til skipa allt að kr. 5.00 fyrir smálest.
3. Fyrir vatn til saltfisksþvotta 15 aura á hver 160 kg.

4. Fyrir verksmiðjur, frystihús, sláturhús, baðhús, þvottastöðvar, hreyfivélar, iðn- 85
aðarfyrirtæki og til annarrar slíkrar notkunar, er hreppsnefnd heimilt að á- 14. júní
kveða vatnsskatt með samningi við hlutaðeigendur. Náist ekki samkomulag um
upphæð skattsins, skal hann innheimtur eftir mæli. Greiðist þá af ársnotkun
kr. 4.00 fyrir hverja 100 hl upp að 10 þúsund hl, en minna fyrir það sem um-
fram er, og eftir nánari ákvörðun hreppsnefndar og eftir því hve mikið er notað.
Vatnsveitan leggur til mæla, en notendur greiða hæfilega leigu fyrir þá.

4. gr.

Gjalddagi vatnsskatts er 1. júlí ár hvert og greiðist eftir á, í fyrsta sinn árið
1942. Vatn til skipa skal greiða við afhendingu og eins vatn til atvinnureksturs, er
starfar um stundarsakir. Vatnsskatt má taka lögtaki. Gera má lögtak í hinu skatt-
skylda húsi án tillits til eigendaskipta. Skatturinn nýtur lögveðsréttar í húseigninni
næstu 2 ár eftir gjalddaga, með forgönguveði fyrir hvers konar samningsveði og
aðfararveði.

5. gr.

Hverjum húseiganda ber að greiða allan kostnað við lagningu vatnsæða úr
götulögnum að húsvegg. Hreppsnefnd löggildir menn, er hún telur hæfa og svo margá,
er henni þykir þurfa, til þess að leggja vatnsæðar þær, er vatnsveitan eða einstakir
menn eiga að kosta. Engir aðrir en þeir, er þannig hafa fengið löggildingu, mega leggja
æðar frá vatnsveitunni í hús eða um þau, annast viðgerðir eða gera breytingar á
vatnsæðum.

6. gr.

Skylt er hverjum húseiganda að halda vatnsæðum sínum vel við og láta tafar-
laust gera við þær, ef leki kemur að þeim, eða þær bila. Sérstaklega skal hann gæta
þess að ekki frjósi í æðunum. Enginn má eyða vatni að óþörfu.

7. gr.

Hreppsnefnd, vatnsveitustjóra og löggiltum pípulagningamönnum er heimilt að
fara um hús manna, þar sem vatnsæðar liggja, til þess að athuga þær og tæki þau og
mæla, er sett eru í samband við þær. Þyki þeim útbúnaði að einhverju leyti ábóta-
vant, skal tafarlaust bæta úr því á kostnað eiganda.

8. gr.

Hreppsnefnd er heimilt að loka vatnsæðum fyrir þeim, er vanrækja að láta gera
við leka á pípum eða tækjum, sem eru í sambandi við þær, eða eyða vatni að óþörfu,
svo og fyrir þeim er ekki greiða vatnsskatt, efni, vinnu eða annað, sem vatnsveitan
kann að leggja til, á réttum gjalddaga. Fullan vatnsskatt ber að greiða fyrir þann
tíma, sem vatnsæðum er lokað vegna bilana eða annarra óviðráðanlegra ástæðna.

9. gr.

Bannað er að taka úr brunakrönum vatnsveitunnar, eða setja hreyfivélar í sam-
bandi við hana, án leyfis hreppsnefndar.

10. gr.

Brot á reglugerð þessari varða sektum allt að 500 krónur, nema þyngri refsing
liggi við að lögum.

- 85 Reglugerð þessi, sem hreppsnefnd Borgarhrepps hefur samið og samþykkt, stað-
14. júní festist hér með samkvæmt vatnalögum nr. 15 20. júní 1923 til að öðlast þegar gildi
og birtist hún til eftirbreytni öllum þeim, sem hlut eiga að máli.

Atvinnu- og samgöngumálaráðuneytið, 14. júní 1942.

F. h. r.

Vigfús Einarsson.

Páll Pálmason.

86

15. júní

AUGLÝSING

um sölu og afhending vöruflutningabifreiða.

Vegna fyrirjáanlegra örðugleika á innflutningi vöruflutningabifreiða til lands-
ins og til tryggingar því að verklegar framkvæmdir ríkisins þurfi ekki að tefjast
vegna bifreiðaskorts, verða fyrst um sinn, þar til öðruvísi verður ákveðið, engar
vöruflutningabifreiðar afhentar af Bifreiðaeinkasölu ríkisins, nema með eftirgreind-
um skilyrðum:

1. Kaupandi vöruflutningabifreiðar skuldbindi sig til, til ársloka 1943, að selja ekki
bifreiðina nema með skriflegu samþykki Bifreiðaeinkasölu ríkisins. Til sama
tíma hefur Bifreiðaeinkasalan forkaupsrétt á bifreiðinni fyrir verð, sem 2 óvil-
hallir, dómkvaddir menn meta. Endurkaupsverð skal þó aldrei vera hærra en
kaupverð bifreiðarinnar, að frá dreginni fyrningu og að við bættu hæfilegu endur-
gjaldi fyrir umbætur, er kaupandi kann að hafa gert á henni.
2. Til ársloka 1943 skuldbindur kaupandi sig til að afhenda ríkisstjórninni eða
umboðsmönnum hennar, hvenær sem krafizt verður, með eins mánaðar fyrirvara,
hina keyptu bifreið, til hvers konar starfa í þjónustu ríkisins.

Skuldbindur kaupandi sig til að láta fylgja bifreiðinni æfðan bifreiðastjóra,
er hafi með höndum stjórn bifreiðarinnar. Fyrir þessi störf skal kaupanda greitt
umsamið kaup, sem þó ekki má vera hærra en ákveðið er í gjaldskrá vörubíl-
stjóradeildar verkamannafélagsins Dagsbrúnar í Reykjavík.

3. Brjóti kaupandi gegn framangreindum skilyrðum, hefur seljandi rétt til að taka
bifreiðina í sína vörzlu, með aðstoð fógeta, ef þarf. Verður bifreiðin þá eign selj-
anda, en greiða skal kaupanda andvirði bifreiðarinnar, sem ákveðið skal á sama
hátt og um getur hér að framan.
4. Afhenda skal skráningarstjóra bifreiða, um leið og skrásetning fer fram, samrit
af kaupsamningi bifreiðar og skal skrá á bifreiðaskrána athugasemd um þær
kvaðir, sem á henni hvíla.

Fjármálaráðuneytið, 15. júní 1942.

Jakob Möller.

Magnús Gíslason.